



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

XLVIII. Hans Rheinsberg verkauft der St. Gertraud-Kapelle zu Neuruppin Hebungen im Dorfe Manker, im Jahre 1443.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

med guder witscapp unde med rade vnde vulbort vnnser frunt vnde Negesten laten hengen an desfen apenbrif, dy gegheven unde gefcreven is Na godes bort 1436, des middewekes vor sunt Laurencius dage, des hilgen mertelers.

Nach Bratring's handschr. Urkundensammlung und Kampé's Mittheilungen.

XLVII. Graf Albrecht von Lindow beurkundet einen Schiedsspruch in Sachen seiner Uneinigkeiten mit dem Stadtrathe zu Neuruppin wegen der diesem aus dem Zolle gebührenden Hebungen, im Jahre 1441.

Wy albrecht, von gots gnaden Greue van Lyndow vnd here tho Ruppin, Bekennen apenbar — Dat die werdigen vnd duchtigen vnse lieue getruwen her Peter klytzke, praweft tho Brandenborch, Her Otto Gladow perner tho Nyen Ruppin, her Otto von Alem perner tho Wusterhufen, Her peter Sterneberch, kerstian qwaft, Claws van Alem vund Stellentin von krochern Tufchen vns vnd die Borgermeister, Rathmanne vnd borger vnser stadt Nien Ruppin van etliker renthe wegen in vnsem tolle tho nien Ruppin, darumb wi mit en twidrechtig weren, vnd vns mith vnser beider willen vnd vulborth darjn fruntliken entrichtet hebben, Also dath die gnanten Borgermeister, Radtmanne vnd Borger vnser vorschreuen stadt nien Ruppin vnd alle ere nakamelinge in dem vorschreuen vnfen tolle hebben vnd to ewigen tyden beholden vnd vpboren schalen achte punt penninge Landeswerunge, dy en vnse Tolner, wie de tho tyden is, tho allen verdel Jars twe punt penninge, geuen scal vnd wol to danke betalen. Vnd desse rente scholen ise hebben vund van vnfen tolner vnemen vor vns vnse eruen vnd al vnse nakomelinge vngehindert vnd aue arch vnd alles geuerde. Hir by ahn vnd auer sin gewesen de vorschreuen vnse leue getruwen vnd ander mer loffwerdige lude genuch. Des tho mehrer sicherheit hebbe wi desfen breff mit vnfen grosten Ingefegel laten vorfeghelen, Der gegeuen vnd geschreuen ys Ruppin, nach Christi vnfes hern gebort virteinhundert Jar darnach in dem ein vund viertigsten Jare, An sunte Joannis Baptisten dage mydden ym fommere.

Nach einer Copie des K. Geh. Staats-Archives R. 55. Nr. 18.

XLVIII. Hans Rheinsberg verkauft der St. Gertraud-Kapelle zu Neuruppin Hebungen im Dorfe Manter, im Jahre 1443.

Vor allen Cristen luden, de dyssen bryff syen edder horen lesen, So bekenne ik Hans Rynsbergh myt mynen rechten erven apenbare in desseme bryve, dat ik myd fulbort unde willen mynes gnedigen Heren Greue Albrechts, Hern tho Ruppin, unde myner vedderen Albern unde Peter Rynsbergh vorkoft hebbe unde vorkope myd krafft desfes bryves tho eyneme rechten kope dem erliken Hern Her Thyderik Pretzerven, Altaristen der Cappellen sunte Ghertruden unter der mure der stad Nyen Ruppin, vir punt pennyghe, de hy, edder wy to der tyd eyn Altarista is der vorbenomeden Cappellen sunte Ghertruden, schal boren unde up nemen alle jar, dry punt in der bede uppe sunte Mertens daghe unde eyn punt tho aller manne vasten van den hünre

IV.

42

pennyghen in deme dorpe to Manker. Vor desse vir punt jarliker pacht heft my de erghenante Heer Thiderik bereydet unde betalet twyntich schok an guden olden bemefchen grofchen unde twe schok an pennyghen, alzo in mynes hern lande ghenghe unde geve fyn, dy ik ghekeret hebbe in myne apenbare ghenot unde vramen, alze ik darmede ghelofet hebbe unde wedderghekofft twe wifpel meles in der mole to Wuffrowe, dy vorkofft weren vor twelf schok bemefcher grofchen. Desse erghenanten vir punt jarliker pacht hebbe ik Hans Rynsbergh met willen unde fulbort myner vedderen vorbenomet vorlathen vor mynen gnedighen hern Greve Albrecht, unde dyfulve her Thiderik, Altarista der Cappellen sunte Ghertruden, unde deme Altaristen, de tho der tyd is, tho guder hant in syen leen wedder entfaughen unde ghenamen heft. Ok heft my her Thyderik erghenant my unde mynen erven gheghünt der vyr punt pennynghe jarliker pacht eynen wedderkop. — Tughe desther dynk fyn ghewesen dy erliken lude her Otto van Alem, Her Peter van Czyten, Stillentin van Krogghern, Clawes Kremer unde mer vramer lude ghenuch. Des tho grotter bekantnisse hebbe ik Hans Rynsbergh erghenant myt mynen vedderen Albern unde Peter, gheheyten de Rynsberghe, unse Ingheseghele myd wittchop unde guden willen lathen hanghen an dessen apen bryff, dy ghegheven unde screven is na cristi ghebort 1443, des sondaghes na Petri et Pauli der hilgen apostelen.

Aus Bratrings handschr. Sammlung.

XLIX. Bestätigungs-Urkunde des Grafen Albrecht über den vorstehenden Kaufvertrag, vom Jahre 1443.

Wie Albrecht, van gots gnaden Greve van Lindow unde here tho Ruppın, bekennen — wu vor uns is gewesen die duchtige Hans Rinsberge, wanhaftig tho Bechelin, unse lewe getruwe, unde heft bekant, dat he mid willen unde fulbort syner veddern Albrecht unde Peter, geheiten die Rinsberge, vorkofft heft dem Erliken hern Dyderick Pritzerven, Altaristen Sunthe Gerdruden, belegen vor unfer stad Nigen Ruppın, vier pund pennige jarliker plege, die hy, edder wie die vorschrevene Cappelle in weren heft, schal upbaren upp funth Mertensdag drie punt in der Bede unde dat ander punt tho aller manne vasten in den hunerpennighe in deme Dorpe tho Manquar. Weret ok dat em brock worde, dat he die drie pund nicht krigen kunde unde dat em wes brok wurde uth der bede; so schal he so fele boren uth den hunerpennighen, dat em die vier pund vornuget werden alle jar, die wiele die kop steid. Vor desse vier pund pennighe heft em de upgnante her Diderick vornuget unde an eyner summen wol tho danke bereydet Twintig Schogk guder olden Bemefchen grofchen unde twe schogk an pennighen, als in unseme lande ghenge fyn, die he vort in fyn apenbar nut unde framen gekeret heft. Desse vorschrevene vier pund pennighe heft dy upgnante Rynsberghe vor uns mid guden willen upgelaten unde in synen, effte wie die Cappellen in weren heft, In synen upbarenden weren vorlathen unde wil em efft dem Altaristen, wie denn is, eyn recht gewere wesen, wu vaken em des nod unde behuff is, vor eyn yderman. Desse vorschrevene vier pund hebbe wy dem upgenanten hern Diderick Pritzerven, edder wy denn die Cappelle in weren heft, gelegen unde ligen en die In kraft dusses brieves also, dat se die hebben, upbaren, genyten unde bruken scholn alle die wile, dat desse Kop steid, ungehindert vor uns, unnfen Erven unnde nakomelingen. Doch heft die vorschrevene Hans Rynsberge sick unde synen Erven eynen wedderkop beholden an dessen vorschreven vier punden. Unde wen denn die vier pund also fyn gelofet nach lude ores kopbrieves; so